

袁州府志卷之十二

藝文三 詩

送柳使君赴袁州

劉長卿

宜陽出守新恩至京口
回家始願違五柳閉門高士去
三苗按節遠人歸月明江路聞猿斷
花暗山城見吏稀
惟有郡齋窓裏岫朝朝空對謝玄暉

送從弟貶袁州

何事成遷客思歸不見鄉
遊吳經萬里弔屈向三湘
水與荆巫接山通鄢郢長
名羗黃綬繫身是白眉即獨結

袁州府志卷之十二

南枝恨應思北鴈行
憂來沽楚酒左髯莫凝霜

莫春宜陽郡齋愁坐忽聞枉劉七侍御詩目以酌

答

李嘉祐

子規夜夜啼
摺葉遠道逢君半是愁
芳草伴人還易老
落花隨水亦東流
山當睥睨常多雨
地接瀟湘畏及秋
惟羨君為周柱史
手持黃紙到滄洲

祖席得秋字送王涯刺袁州 韓愈

淮南悲木落而戒亦傷秋
况與故人別那堪羈官愁
榮華今異路風雨苦同憂
莫以宜春遠江山多勝遊

題袁州龍興寺

易偲

百尺古松松下寺寶幡朱蓋畫珊珊
閑庭甘露幾回落古石綠苔猶未乾

昌山渡

王子山

踈柳離江驛殘花別楚雲
未甘魚共塋猶得鴈同群
久矣離騷國居然孰散文
厚顏蒼水使深謝闕城君

宜春夏晚有懷平泉林君

李德裕

孟夏首畏途捨舟在徂暑
愀然何所念念我龍門嶼
密竹無蹊逕高松有四五
飛泉鳴樹間颯颯如度雨
箇桂

袁州府志卷之十二

二

秀層嶺芳蓀媚幽渚稚子候我歸
衡門獨延佇誰言聖賢哲
曾是不懷土公旦既思周
宣尼亦念魯矧予竄炎裔
日夕誰晤語眷關悲子年
班荆感椒舉悽悽視瓌玦
惻惻步庭廡豈待莊舄吟
方知倦羈旅

送曾德邁歸寧宜春

曹鄴

湘東山水有清輝袁水詞人得意歸
幾府爭馳毛義檄一鄉看待老萊衣
遮開灞岸臨清淺路去藍關入翠微
想到宜陽更無事併將歡慶本庭闈

送友人歸宜春

張喬

落花兼柳絮無處不紛紛
遠道空歸去流鶯獨自聞
野橋喧碓水山郭入樓雲
故里南陵曲秋期更送君

別宜春赴舉

盧肇

秋天草木正凋疎西望秦關別舊居
迢上清樽今日酒篋中黃卷古人書
離山且作街廬鴈入海終為帶角魚
長短九霄飛直上不教毛羽落空虛

及第後寄弟姪

易重

六年鴈序恨分離詔下今朝遇已知
上國風光初喜日御街恩渥屬身時
內廷再考稱文異聖主宣名特大奇

袁州府志卷之十二

三

故里仙才若相問一春攀折兩重枝

寶積寺

袁皓

梵林遺址在松蘿四十年来兩度過瀘水
東奔彭蠡浪萍川西注洞庭波村墟不改人
居換官路無窮行客多曳紫腰金成底事
凭闌惆悵欲如何

又

方雲翼

暫脫城闈馬足埃僧窓高卧白雲堆
青山影裏春醒解黃鳥聲邊午夢回
坐懶且推書冊去吟清時喚茗甌
米要知門外無車轍十日新生一徑苔

賀鄧使君璠正任袁州

彭瞻

六年惠澤及黎甿大史論功俟陟明
尺一詔書天上降
二千石祿世間榮
新添畫戟門增峻
舊躡青雲路轉平
更待 皇恩酬善政
碧油幢到郡齋迎

送鄭谷歸宜春

曹鄴

無成歸故國上馬亦高歌
况是飛鳴候殊為喜慶多
暑銷嵩嶽雨涼吹洞庭
波莫便閑吟去須期接盛科

棲霞閣

王欽若

水秀山靈萍實城城中幽趣每閑情
安期幾到尋棋侶
方朔真藏隱宦名春漬苔紋沿石塌
月含松韻雜吟聲
猶拘玉陛空懷想須躡虹梯先問程

化成巖

李若水

翠石黏雲濕寒巖帶蘚深
樹涵懷古意水印讀書心
經濟神猶在幽棲跡可尋
青氈吾舊物稅駕卧山陰

又

趙善堅

低帽白蕉衫跨馬北巖路
為我撤炎歊時有清風度
投策躡遊履捫蘿窮幽趣
怪石鳴瘦筇狹徑窘危步
雲間落深洞玲瓏天巧露
僧居羅上下鍾聲答晨暮
長咲排

翠靄

亭名

園茶驚振驚

亭名

陶寫屏絲竹恐為風景汚拂蘇

題蒼崖縱橫醉中句茲遊豈易得載酒莫辭屢

又

陸經

交臂尋幽歲已殘瘦藤枯石重躋攀忽逢晴洞龍開室
冷瞰寒溪玉繞山猿鳥窺人知舊識藤蘿引運入無間
遊車自向紅塵去日暮老僧催閉關

登宜春臺

劉嗣隆

一簇亭臺畫亦難公餘到此暫盤桓山多不似城中景
樹密偏宜雨後看風送江聲穿郡郭日推雲影下峯巒

袁州府志卷之十二

五

當時吏部曾遊否何事無文石上刊

又

祖無擇

異鄉何處散幽懷賴得城中百尺臺還向天涯經歲住
那知春色為誰來雪消江上看梅發風暖衡陽有鴈回
強擬登高聊賦詠再三愧乏楚人才

又

湯莘老

草徑無邊綠江空見底清遙峯橫晚色古木自秋聲客
舍孤雲遠鄉心一鴈鳴憑高寄吳楚倚杖獨含情

盧石

祖無擇

素山之陽秀水側草覆遺基誰氏宅皆云子發其姓盧
往以文章名籍籍宅中舊物何所存惟有鱗峒一巨石
濶絕三尺高倍尋尺卧塵沙群瓦礫余心好異曰獨性
下馬環觀聊拂拭地表可見十二三已足怪駭動魂魄
呼工揮錘塹其傍挽以長絙百夫力雜然鼓譟登大車
忱爾如蒙巨靈擘選置東湖最佳處四面澄波映天碧
倚空突兀無與鄰頓覺亭臺增氣色彎環幽竇莫敢探
恐有乖龍飛霹靂余嘗南遊到陽朔衆峯轟轟春筍植
捫蘿踏蘚窮之遍若此奇卓曾未識郡人奔走来如雲

東州府志卷之十二

六

故老驚視復唧唧乃言此石遇真賞屈指如今年二百
沉埋曠代誰爾珍一日見價逾荆璧嗟予束髮大夫後
區區志尚惟忠直十年再謫非不窮猶慕堅純無改易
如何故老不我遇感物再三形歎息石不能言人有言
勿使他時重堙阨

大仰山

祖無擇

維南斗牛下萬仞聳崔嵬日上光先照江盤勢却回一
方蒙雨露幾處豎樓臺不逐秦鞭去曾經禹載來雲生
峯恹淡水解谷喧厓險外烟嵐變深中洞府開岳花春

灼爍溪鳥暖毳毳飛瀑含清籟乖龍走疾雷平山蕭廟
闕半腹鄧壇摧精蘊瑤瑰寶竒鍾杞梓材僧軒宜薜荔
樵逕怯苔莓旁睨龍州橋前瞻庾嶺梅仙經饒地脉賦
筆遜天台神物多靈貺農田少旱災隱居須獨行吟詠
亦難裁何客能依止伊予語敢哉一麾成繫滯四友阻
遊陪未脫紅塵累徒嗟白髮催夢頻生枕席賞每倒罇
壘預恐瓜期代圖歸作醉媒

南樓觀風

祖無擇

習遠浮華氣俗醇農勤稼穡戴星耘一方安堵山無盜
千里鳴絃士有文入酌勵甘靈井水慶豐多賴仰山雲
馮唐已老慚歸晚猶策疲駑欲報君

樂遊堂

祖無擇

晴烟幕幕湛湖光勢勝居然占上方拂水萬絲楊柳弱
倚風千蓋芰荷香縱遊閑泛蘭舟穩半醉強眠石席涼
公退每來多度日却疑身出利名鄉

吏隱二首

祖無擇

吏隱宜春郡年豐獄訟稀餘糧委南畝茂草滿園扉天
意憐艱食民心耻畫衣萬家行樂處車馬有光輝

吏隱宜春郡溪山若畫圖
纖鱗時自躍幽鳥靜相呼
曉浪噴寒雨晴嵐鎖綠蕪
漁樵本吾事搔首重踟蹰

慶豐堂十閑詠

祖無擇

吏散鈴齋掩閑眠到日斜
無端春是夢容易繞京華
鄭聲良可厭閑按七絃琴
欲識調絃意理人先理心
年長身多病閑抄已試方
未甘先犬馬畢命報恩光
青山日相對閑看白雲行
誰謂無心出中含濟物情
晚按三盃後閑烹北苑茶
色香俱絕品雲泛滿甌花
偏州賓客少閑作道家裝
跡靜心還靜逍遙覺日長

東州府志卷之十二

雨露輕埃息閑吟面曲池
游鱗時對擲雙破碧連漪
朝來日試筆閑答故交書
莫怪音塵絕吾心與世踈
漸老無功業閑思惜壯年
桑榆如有待猶可勒燕然
晴軒足清趣閑與鶴開籠
寄語北山侶無驚蕙帳空

東湖

李觀

萬象城東雅入詩半湖雲
靄捲殘暉老龍惜雨慵離
墊迷鷺逢人慣不飛岸僻
自宜安釣石水清誰礙濯
塵衣使君公退便遊此却
恐吾皇急詔歸

題翠微亭

李觀

竹根穿石帶松影入泉心不致玄玄處白雲徒自深

登閣晚眺

蔡枬

簷外川原迥煙中草木微山城暮吹角客子淚沾衣歲
月經身老行藏與願違歸禽帶順日渺渺背人飛

妙峯亭

趙敦夫

塵世有仙境清絕不可言寒江露沙跡晚嶂埋雲根暇
日推吏按呵道穿僧門來飲巖下水何必携芳樽

鄭都官祠

陳旸

公沒歲已遠公名人競傳榛蕪四尺土風雅三百篇世

袁州府志卷之十二

九

謂泯於道天實生我賢築宮古原上一奠一棲然

寄袁州曹伯玉使君

王安石

宜春城郭繞樓臺想見登臨把一盃濕濕嶺雲生竹箇
冥冥江雨熟楊梅政成定入邦人詠詩就還隨驛使來
錯莫風沙愁病眼不知何日為君開

寄袁守廖獻卿

黃庭堅

公移猥甚叢生筍訟牒紛如蜜分窠幸得曲肱成夢蝶
不堪衙吏報鳴鼃已荒里社田園了可奈春風桃李何
想見宜春賢太守無書來問病維摩

和袁州劉司法

黃庭堅

袁州司法多兼局日暮歸來印幾窠詩罷春風榮草木
書成快劍斫蛟鼉遙知吏隱情如此應問卿曹果是何
頗憶病餘居士否在家無意食羅摩

送別駕孫公汲還宜陽

黃庭堅

宜春別駕鄉丈人來假廬陵二千石虛舟無事鷗與遊
良賈深藏客爭席諸公鞭朴立威名公獨安民如弟兄
諸公御史如束濕公使人人得盡情人情居官若郵傳
假守攝丞猶自便憂念公家眉不開誰能慙歎費寢膳
贈行欲借筆如椽公不肯留鼓催船歸到宜陽問春事
斑斑筍蕨破拳康侯為邦用詩禮府中無事多宴喜
看公談笑面生春更為鄉園宴桃李

清心院雙清軒

黃庭堅

萬劫千峯繞座隅一泓澄澈見遊魚誰家欄檻烟雲裏
坐我瀟湘水墨圖人物度橋疑海市樓臺拍水信蓬壺
潺湲枕底催鄉夢雙井溪頭有舊廬

崇信寺

黃庭堅

鴉啼殘照下層城僧舍初寒夜氣清風動竹枝垂地影

霜乾梧葉落階聲不逞將毋傷今日無以為家嘆此生
都下若無書信到數行歸鴈月邊橫

入萍鄉道中

黃大臨

路入前村信馬行野花香好不知名官卑無補公家事
時向田家問耦耕

遊洪陽洞

劉清之

朝來拔脚塵埃底共訪人間小有天喚醒幾年朱墨夢
胸中丘壑故依然

稚川仙去憶浮丘携客巖前問舊遊懷古臨風一盃酒

袁州府志卷之十二

十一

荻花楓葉不勝秋

分宜道中

孫覲

老牯挽犁泥瀑膝剌剌青秧針水出大麥登場小麥黃
桑柘葉空蚕滿筐猿鳥相呼聚儔侶線絲百箔聞好語
此時物色不可孤勸君沽酒提壺盧

萍鄉即事

蔣之奇

人家白雪中鳥道青雲裏耕鋤競畬田漁樵喧會市繡
出羅霄山倒流楊岐水三真不可尋寂寥忽千祀更想
用兵時徘徊甘草壘

按行分宜

蔣之奇

分得宜春地東偏一畫屏
洪陽仙洞古龍燒舊祠靈雨
過溪痕長春田草徑青道傍
聊下馬措辭讀碑銘

鈐岡早行

鄧南秀

漁照滅不滅水光空復空
踈鍾五更月殘夢萬松風沈
澹虛無外淒清頃刻中
火輪欲飛動灑灑紫霄東

次韻折樞密題向萍鄉莞爾堂 王庭珪

器遠無近用絃歌只暫娛
從來趙魏老或為滕大夫昔
時武城宰其人骨已殂
牛刀發新硯夫子輒驚呼
向侯

袁州府志卷之十二

十二

本學道與世疑濶踈擁袖聽衙鼓
庭下一事無不為赫
赫名詭衆以自殊催科誰云拙
於今乃賢歟夫子儻無
言黑白共一區家有治縣譜不飲
常晏如棠陰決民訟
松間讀我書飛蝗避境土野鶴馴
階除堂上盛賓客不
減陳趙子新詩播京邑異世乃同
途振轡若登仙身輕
衣六銖雲間候飛馭君馬何時迂

劉長者讀書堂

楊萬里

前輩學詩如學仙吾謂讀書當亦然
神丹九轉骨可換
聖門一簣功相先
劉公結屋高山巔
豈効羽客餐霞烟

鄴侯三萬足高尚霧雨養豹知幾年文章笑拍班馬肩
書堂看來咫尺天會當擢桂廣寒邊祇借謝仙雲鶴駟

楚萍歌

彭大年

雲夢青丘蟠楚藪萍實江邊大如斗故壘摧頽百戰餘
舊事流傳千載後青崖半裂玄猿吼空坡突過黃狐走
山深日落少人行寂寞鳴蜩在高柳湖江入夢倏三年
慰我漂零一盃酒群盜雖降漢赤眉故侯慣作秦黔首

送周子上赴宜春

胡銓

憶昔昌黎伯直諫氣凜然又聞贊皇公直道薄雲天堂

袁州府志卷之十二

十三

堂兩宗工蓋世勲無前竭來著此邦仰山同不騫公今
又繼往相望三百年風流雖已矣遺跡儼弗愆邦風雜
未純雕俗頑莫鑄要須痛一洗興氓作其賢東吏縛猛
虎愛民烹小鮮課為天下最名壓坐中先鳳尾催歸詔
看看下小旃踐槐知不晚開旦促曹鞵

隱齋

朱熹

大專槃萬生異體實同氣云胡分彼此直以私自蔽君
家桂林伯德學妙一世閉門不忘憂簪纓矧行義眷言
介弟賢四益謹先畀千里各分符一心同盡瘁遠題齋

戶冊來表棲息地系述寫心胸俯仰資惕厲陽嘉既滌
蕩陰慝失封閉介然彼疴癢赫若戒黥劓拊摩極哀恫
征取敢忘藝戰競一日力洋溢四封被君看物我間隱
顯豈殊致願反振民功更懋根本計

十一月二十六日宿萍鄉西三十餘里黃花渡口
客舍稍明潔有宋亭伯題詩亦頗不俗因錄而和
之

鼎足爐邊坐陶然共一樽道心元自勝世味不須論安
穩三更睡清風一氣存雖無康樂句聊爾慰營魂

二十七日過毛山鋪壁間題詩者皆言有毛女洞
在山絕頂問之驛吏云狐魅所為耳因作此詩
人言毛女住青真散髮吹蕭夜夜聲却有郵童解端的
向儂說是野狐精

到袁州二首

馬蹄今日到袁州山木蕭穆四面愁多謝晚來風力勁
翔雲寒日共悠悠

袁州刺史幾何人韓李流芳獨未泯道喪時危今日意
九原遺恨一時新

十二月旦袁州道中作

今朝已是臘嘉平我獨胡為在遠行
白髮倚閭應注想
青山聯騎若為情

同林擇之范伯崇歸自湖南袁州道中多奇峯秀
水怪石清泉人賦一篇

我行宜春野四顧多奇山巒岼不可數峭絕誰能攀
上有青葱林下有清泠灣更憐灣頭石一一神所矧衆目
共遺棄千秋保堅頑我獨抱孤賞喟然起長嘆

賦歸雲洞

袁州府志卷之十二

十五

人生信多患吾道初不窮云何感慨士伏死巖中宜
陽古道周竅石何嵌空窮幽歷肺腑履坦開房櫳頰疑
有畸人往昔寄此宮歲月詎云幾井竈無遺蹤我來記
清秋歸途渺窮冬興懷重幽討永嘯回長風風回雲氣
歸洞口春濛々信美非人境出門吾欲東

人言石乳洪陽之勝不及往遊作此

人道歸雲未足誇洪陽石乳更豁訝連環入夢難紆軫
回首西風又日斜

分宜晚泊江亭望南山之勝絕江往遊將還而舟

子不至擇之刺船徑渡呼之子與伯崇佇立以俟
因得二絕

寒水粼粼受晚風輕船來往思無窮何妨也向溪南去
徙倚空林暮靄中

一棹翩然喚不回兩筇江畔久徘徊早知君有如神技
同下中流一快哉

呈分宜邑宰石子和

戴復古

古鎮更為縣封疆半是山賦繁官吏窘土瘠稻梁慳流
水心何急高山意自閑春風細吹拂桃李滿民間

袁州府志卷之十二

十六

宜春東湖呈趙使君

東園有佳趣五馬共登臨介石見古意月臺延賞心雖
然近城郭元不遠山林能使一州潤秀江秋水深

袁州化成巖李衛公謫居之地

一巖端坐挹千峯三兩亭臺勝槩中江水驟生連夜雨
松聲吹下半年風因思世故吾頭白獨步林臯夕照紅
欲吐草茅憂國志誰能喚起贊皇公

化成巖

城郭置塵外江山勝槩中鏗然一灘水和以萬松風夾

徑森奇石危亭納大空蒼巖不能語曾識贊皇公

仰山

胡致隆

山下清泉迸石流山前松竹自春秋猿吟古寺偏深處
雲在諸峯最上頭一老有靈飛宰堵二神無語瑣寒湫
諸天更在藤蘿外欲到峯前恨未由

宜春臺晚眺

虞集

字伯生
臨川人

長沙王子舊層臺古佛神龍寶殿開秋水繞渠三峽漲
春雲垂雨大瀉來萬家香火網緼合四面峰巒紫翠堆
最憶老藤陰覆地空中幾見異僧回

袁州府志卷之十二

十七

己卯十月二十二日從宜春郡幕嚴伯威觀南軒

新閣登舟有賦却寄同游者劉粹中賢良

茲郡多異泉小大各有神深潤浹溫厚草木何光新披
圖閱名世碩皆仙佛人退儉寡外驚懷哉此良民退之
文既遠泰伯學未醇昔我朱與張遺言存縉紳東湖有
新閣下臨南澗濱周眺忽已晚皎然仰空旻虹梁亘溪
流落日車馬塵曾丘間叢祠鐘鼓嚴昏晨江潭歎搖落
名邦感宜春為治古有道川原隨所因華構相為雄大
雅竟誰陳移舟古峽口西望蒼嶂岫浩蕩無與語逝波

京兆何妨五日留

泛袁河

蘇葵 順德人
學副使

柔纜危檣款、拖傍花隨柳上袁河山深鳥語張儀辯
春老風光下惠和行過不妨樵豎識耽閑無柰釣翁何
日斜更倚船樓望怪殺王孫草色多

謁韓文公祠用公韻

邵寶 無錫人
學副使

潮水袁山共此天量移聊復路三千拜瞻正愧聞風地
感應真懷禱雨年獨鶴未歸空嶺外殘碑猶倚兩龍前
不須再作迎神曲蘇老文章在海邊

袁州府志卷之十二

十九

過鈴岡書院

堂成未落柰行何却喜年來復此過地僻儘容徐孺榻
山深堪唱武夷歌鳥聲似領春風淺草色應沾夜雨多
讀罷新碑放舟去鈴岡雲盡秀江波

重謁韓文公祠

一上春臺草陸離還尋老屋拜昌黎江山恨少滕王賦
風水愁多二女祠石廩不知雲去地雷塘猶想雨來時
憑君莫引飛鴻望萬里騎龍任所之

宣風公館

姚汀

庭前雨洗石苔痕庭外川流帶雨渾
五省往來皆此路
幾家生聚自成村
空山落葉秋將晚
古木歸鴉日已昏
眼底誰醒誰是醉
何由一吊屈原魂

登宜春臺

王守仁

餘姚人

臺名何事只宜春
山色無時不可人
不用烟花費粧點
儘教刊落儘嶙峋

宜春臺上還春望
山水南來眼未嘗
却笑韓公亦多事
更從南浦羨滕王

仰山祠

袁州府志卷之十二

二十

古廟香燈已有年
增修還費大官錢
至今楚地多風雨
猶道山神駕鐵船

宜春臺春望

李夢陽

閩中人提學副使

勞之世路裏今望始臨臺
人倚楚天盡風驅湘色來
雲生曉暝遠水上春雷尚
有干戈淚凭軒眼倦開

謁韓公祠

刺史為邦地遺祠
竹木森然來瞻廟貌千古見
人心臺傍宜春寂
江連下浦深可招魂不返
風雨四山陰

宜春臺

孫燧

餘姚人副都御史

郡治東南舊有臺暮春登眺畫圖開陽林啼鳥催詩句
小院飛花入酒杯竦密人煙聯萬井網緼瑞氣接三台
仰山千古遺靈在棟宇巍巍亦壯哉

宗濂書院和韻

道脉傳來認未真浪叨儒籍混儒巾一從夫子開圖學
孰謂中原有故民庭草更添新意思池蓮不減舊精神
千年廟貌重瞻謁猶見春風拂藻蘋

韓文公祠

八代斯文欲喪天却從原道得真傳但令後學瞻山斗

東州府志卷之十二

二十一

寧顧潮陽遠謫遷

三先生祠

五季云衰道學微斯文正脉屬濂溪中原不有程夫子
顏氏心胸孰品題

宜春臺

劉琬宜春人副都御史

城內巍巍有此臺幾迴登覽壯懷開仰攀蟻窟天盈尺
俯瞰素江水一杯四季生春榮品彙五行麗土通公台
翻思昔日談經處贏得浮名尚在哉

韓文公祠

刺素名宦首書公遺廟穹碑著懋功不獨此邦人仰止
泰山北斗古今同

浚渠亭

五馬初臨慮病民遡源䟽鑿走河濱水流石澗經千里
事載亭碑歷萬春境內有家皆樂土田間無處不通津
莫言運智追前守丕緒爭誇績禹神

宜春臺

張鳳宜春人副都御史

高出素城百萬家巍峩樓殿鎖煙霞荆湘西望山來盡
吳越東看水去賒朝暮鐘聲應有節春秋祀典永無涯

素州府志卷之十二

二十二

不因雲外青山隔定見三山與九華

韓文公祠

公在素州幾許時贖民為隸政聲馳五臺三峽多形勝
何事公無一句詩

浚渠亭

源頭誰為決將開引得清流一派來十里䟽通田有利
九宮浸灌火無災當年政事留遺蹟今日文章闡大才
百尺穹碑當路立行人指是峴山隈

宜春臺

徐璉見職官真定武邑人

等閒遊賞舊春臺四顧微茫眼界開雨霽寒生絕頂地
物華光映紫霞杯層峯霧障迷蒼樹疊閣暈飛近上台
壁立希蹤千古在宜陽雄鎮羨崔嵬

韓文公祠次韻

篤生賢哲日中天道濟斯文得正傳承命移表具小試
舊時喬木許誰遷

周程三先生祠次韻

默契圖書闡晦微可憐小用駐盧溪南陽迭秀先賢出
道統相傳自品題

辛州府志卷之十二

二十三

觀靈泉池

涵碧洵淪噴玉竇瑤池古砌飲袁城龍潜水底玻璃淨
寺枕岡崖殿閣宏遠濟長江千里潤旁通萬井四時清
陰雲薦地風來急疑是寒潭作雨聲

秀江

袁山形勝雙螺秀縹渺長江駐錦船東注波濤接海島
西來源發自羅霄城邊環帶清泉澗渡口橫穿畫舫橋
景仰遺風韓刺史雍熙從此樂唐堯

秀江橋

方橋鼇戴班工巧五空橫流玉壘墩平地頓忘江水闊
陰廊不見履霜痕徒興普濟思仁澤商賈經營望龍渾
東向盧州迴異景網縕秀氣結紅門

化成巖

三載分符羈宦久化成巖畔草芊芊金城雄倚岫江險
玉洞幽涵砥柱堅翠聳碧梧棲鳳鳥蒼茫古塔豎巒巔
登遊漱石真佳趣韓李名公有幾賢

石乳洞

古洞嵌空不記年青苔荒徑少人烟松崑疊翠鳴高鳥
石室凝酥滴玉泉綉榻幽涵仙客臥華陽深邃老龍眠
寒門雲鎖渾寂靜風景分明壺裏天

宣風公館次韻

亭堦野草覆苔痕觸目閒雲物態渾跋涉遲留憐瘦馬
崎嶇險阻憶荒村遠聞蕭寺鐘聲急近覽青山月色昏
自古行人多寂寞謾將詩酒繫征魂

周濂溪祠次韻

靜對南山悟道真斯文從此重儒巾分符星渚功垂史
督稅盧溪惠溥民舊草荒祠猶帶綠先天太極自通神

謁臨景仰輸誠悃途次羞爲獻水蘋

歲暮過昌山渡

崎嶇東下分宜路薄宦奔馳恨自憊疊翠層巒夾陡岸
橫流亂石豎低峯湍波不讓徐洪險迴浪應同蜀峽洶
古廟風簷閒注目冰梅霜栢傲隆冬

鈴岡

一方雄鎮幾經秋觸目清竒屬勝遊雲鎖翠峯盤鳳閣
江橫碧岸繫龍舟林深暮景棲鴉鳥雨霽祥光射斗牛
物阜民安知有賴登臨回首謾吟謳

袁州府志卷之十二

二十五

視學堂

浮屠惑世久荒唐誰辟歸儒建此堂西傍黌宮根本地
東隣翰院借餘光硯池波潤芹香遠書架牙籤意味長
鍾秀從來沾化雨逢秋丹桂幾枝芳

洪陽洞

洪陽二老愛幽清空室遺蹤有數名峻岫久荒爐火永
玲瓏遠應渡篙聲雲霞陰潤苔先綠石燕飛翔雨後晴
幾度遊人題古壁洞門無鎖月長明

浚渠亭

雲泉泓派遠分來重浚湮渠自古開餘澤民懷資地利
文光奎聚樂天台石穿碧水由蹊麓嵐送香花落酒杯
撫景歌吟登眺晚筆端風雨滿亭臺

前題

黃信

見職官
金臺人

雲集清亭上環渠翠幾般
槍研穿綠水萃律遶青山
秋圃黃花亂田溪白鷺閒
長吟情戀晚浴月伴輿還

前題

朱祺

見職官
咸寧人

洞僻崖空水自流古今開浚為民憂
蹊穿石磴真天設澤及田疇到處收
鳥韻花香春不老溪風山色景偏幽

萊州府志卷之十二

二十六

遊人逸灑頻登翫爭向亭中醉玉甌

前題

徐麟

見職官
錢塘人

齋泓流水越嶙峋功用由來謾問津
一郡市廛回祿息萬家田井煖波均
建亭頌德追前哲勤石題名啓後人
堪羨忠純賢刺史一吟一賦為斯民

前題

陳輅

見職官
端溪人

渠流疏引昔還今闢地開亭意自深
麥浪稻雲窻外景大田禾黍席間吟
文章載石袁人惠河洛興懷萬古心
雨露更繁花木盛楚山南國有棠陰

宜春臺

臺上雲霄近躋攀懷抱舒江山吳楚界文物斗牛墟氣
象卑滕閣風光接舞雩俯看閭里盛王道久涵濡

浚渠亭

郭叙進士
宜春人

清泉澄澈白雲來繞過山亭一鑑開惠澤久知沾萬姓
德星今喜映三台鶯花時送簾前景絃管頻催席上杯
處處甘棠歌不盡岷碑宜立向春臺

前題

陳伯獻副使
蒲陽人

渠水年深塞欲乾縈紆開濬見潺潺江雲帶雨寒添溜
野竹迎潮暗入山曉汲萬家瓶綆開春耕千頃桔槔閑
使君經濟豐碑在召杜聲華伯仲間

本頁與上頁間有缺文郭敘
浚渠亭一詩重複疑有廢頁

關山未報燕鴻信風雨空驚旅夜魂

浚渠亭

郭敘宜春人進士

清泉澄澈白雲來繞過山亭一鑑開
惠澤久知沾萬姓德星今喜映三台
鶯花時送簾前景絃管頻催席上杯
處處甘棠歌不盡岷碑宜立向春臺

宜春臺

歐陽誠

王子臺基古地靈景象清彩霞籠桂殿宿雨洗山城
窻落雲林影江搖漁棹聲風塵絕峭壁遊覽幾含情

浚渠亭

袁州府志卷之十二

二十八

李渠久塞喜今開盡屬賢侯一念來混混澄源穿郡巷
綿綿利澤繞春臺山亭風月西陂景石碣文漳北斗才
召伯甘棠應有詠聲名從此頌巍哉